

*Ar beleg : Plijet genoc'h, Aotrou Doue,... ha distro hor Salver Jezuz-Krist :*  
**R/ : Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.**

**Lid ar peoc'h :**

*Ar beleg : Salver Jezuz-Krist... a-holl-viskoazh da virviken.*  
*Peoc'h hor Salver a vo bepred genoc'h.* **R/ : Ha get ho spered !**

**Oan Doue :**

Oan Doue a lamm pec'hedoù ar bed : ho peet truez doc'homp ! (bis)  
Roit deomp ar peoc'h !

**Kent ar gomunion :**

*Ar beleg : Eürus ar re a zo galvet da bred santel an Oan.*  
*Setu Oan Doue, an hini a lamm pec'hed ar bed :*

**R/ : Man Doue, ned on ket dign ma teet davedon,  
met lârit ur ger hepken hag e vo aesaet din.**

**Komunion : Kalon sakret Jezuz, Kalon sakret ma Doue  
Entanit ma c'halon get tan ho karante.**

- 1 Jezuz, a holl viskoazh, ennon hoc'h eus soñjet,  
Jezuz, a holl viskoazh C'hwi ho peus ma c'haret.
- 2 Petra ho touge-C'hwi da reiñ din ar vuhez,  
Petra ho touge-C'hwi nemet ho karantez ?
- 3 Perak a lein en neañv eh oc'h-C'hwi diskennet  
Èr hraoù a Vethleem ? Rak m'hoc'h eus ma c'haret.
- 4 Jezuz, àr ar c'halvar, pe liamm ho talc'he  
Ariet doc'h ar groaz ? Atav ho karante !

**'Cit kloziñ an oferenn :**

*Ar beleg : An Aotrou Doue genoc'h :* **R/ : Ha get ho spered !**  
*Ar beleg : Doue hollgelloudek d'ho pennigiñ :*  
*An Tad, ar Mab hag ar Spered Santel.* **R/ : Amen !**  
*Ar beleg : Kerzhit e peoc'h hor Salver :* **R/ : Bennozh da Zoue !**

**Kan-dibenn :**

**Ô Rouanez karet an Arvor, Ô Mamm lan a druez,  
Ar an douar, àr ar mor, gouarnit ho pugale.**

Intron santez Anna, ni ho ped a galon,  
Get joa ni em laka dindan ho kouarnasion.  
Ho kalon 'zo digor 'eit holl ar Vretoned,  
An dud ag an Arvor ho kar ivez bepred.  
Patronez Breizh-izel, doc'hoc'h en deus rekour  
Hos Arvoriz fidel : roit dezhe ho sekour.  
**Oferennoù brezhonek : pep sul ketañ ar miz. (10e30)**  
**Oferenn da zonet : 5 a viz Imbril (ebrel) (5/4/2020 - 10h30)**

**Parrez KerAnna**

**1<sup>añ</sup> Sul ar Choareiz**

**1<sup>añ</sup> Meurzh 2020**

*1<sup>añ</sup> lenn. : Gn 2,7-9;3,1-7* *2<sup>añ</sup> lenn. : Rm 5,12-19* *Aviel : Mù 4,1-11*

**« Da Zoue a azeuliñ »**

**Kan digor :**

**Mall-bras eo din, pec'hour,  
Distroñ doc'h ma C'hroueour ! (2 wezh)**

Ha c'hwi 'venn atav dispriziñ,  
Bouezh ar C'hroueour, Mestr holl ar bed ?  
Emañ gwerso doc'h ho kalviñ :  
Chom a reet-c'hwi bouar bepred ?

Goude ma 'n deus Doue ho Kroueet  
Dre vadelezh ha karantez,  
Hañval 'vehe eh oc'h er bed  
'Eit gober poan dezhañ bemdez !  
Er stad ma 'n em gavet hiriv,  
Eneañ dispartiet doc'h Doue,  
Seblant e zo genoc'h bout bev,  
Ha c'hwi 'zo marv e gwirionez.  
Devat ho Toue, deit get glac'har  
Hag 'n em daolit àr e galon :  
Rak ho Tad eo, hag hep arvar  
D'ar prodig e roy ar pardon.

**Salud d'ar bobl :**

*Ar beleg : Gras hor Salver Jezuz-Krist, karantez Doue an Tad  
hag unaniezh ar Spered Santel, ra vint genoc'h-holl :*  
**Respont : Ha get ho spered !**

**Kyrie (Ordinal hervez ton gwerz Pontkalleg)**

**Lennadenn getañ :** *Stummiñ a reas Doue an den, get poultr ag an douar, hag e c'hwezhas en e fri ur c'hwezhadenn a vuhez, hag e voe an den ur boud bev. Hag e plantas an Aotrou Doue ur jardin en Eden, er reter, hag e lakas enni an den en devoa stummet. Hag an Aotrou Doue a lakaas da gelid ag an douar an holl wez, dudius d'ar gweled ha mat d'ar boued, hag ur wezenn a vuhez e-kreiz ar jardin, ha gwezenn skiant ar mad hag ar fall. Mes an naer a oa ar finañ ag an holl loened gouez en devoa graet an Aotrou Doue. Hag e lâras d'ar vaouez : « Gwir eo en deus lâret Doue : «Na zebrit a wezenn ebet ag ar jardin ? » Hag e lâras ar vaouez d'an naer : «A frouezh gwez ar jardin e tebromp, met aveit frouezh ar wezenn e-kreiz ar jardin eo en deus lâret Doue : 'Na zebrit ket doc'hti, na stokit ket doc'hti, pe e*

varveet !» Hag e lâras an naer d'ar vaouez : «Nann da ! Ne varveet ket ! Met, ha Doue ar gouer, an deiz ma tebrahec'h doc'hti e tigorae ho taoulagad hag e vehec'h evel Doue, ec'h anavehec'h ar mad hag ar fall ».Hag e santas ar vaouez e oa mat frouezh ar wezenn da zebriñ, kaer d'an daoulagad da welet; bravat gwezenn evit kaout skiant ! Hag e kemeras ag he frouezh, hag e tebras, hag e roas ivez d'he fried a oa geti, ha hemañ a zebras. Hag o daoulagad dezhe o-daou a zigoras, hag eh anavezont e oant en noazh, ha gwriat a razont del figez da ober gourizoù. Setu komz an Aotrou Doue : **Bennozh da Zoue !**

### **Psalm 50 : Truez Aotrou, rak pec'het hon eus !**

*Ho pet truez, ô ma Doue, Hervez brasted ho madelezh, Ma gwalc'hit da vat a ma zorfed. Ma glanait a ma fec'hed./ Rak anaout a ran ma fallentez, Dirazon 'ma dalc'hmat ma fec'hed. A-enep deoc'h hepken am eus pec'het, Graet am eus ar pezh a zo drouk dirazoc'h./ Krouit ennon ur galon dinamm, ô ma Doue ! Hag a-nevez lakit ennon ur spered nerzhus. N'am daolit ket pell doc'hoc'h, Ha na dennit ket digenin ho Spered Santel./ Roit din en-dro levez ho salvidigezh, Ha lakit ennon ur galon divrall : Aotrou, digorit din ma diweuz, Ha ma genoù 'embanno ho meuleudi..*

**Cil lennadenn** : *Mard eo deuet ar Marv dre faot unan hepken, da ren en abeg d'an unan-se, e tay muioc'h c'hoazh, ar re a resev get puilhentez, graes ha donezon ar reizhder, a reno er vuhez dre an unan-se a zo Jezuz-Krist. Hama, 'vel m'emañ bet douget dre faot unan hepken ur setañs a gaondane an holl, 'vel-se ivez dre reizhted unan hepken emañ daet evit an holl dud ur reizhidigezh a vuhez. Setu perak, mad eo bet lakaet an holl da vout pec'herion abalamour d'un den bout disentet, 'vel-se ivez, abalamour d'un den bout sentet e vo lakaet an dud da vout just. Setu komz an Aotrou Doue : R/ : **Bennozh da Zoue !***

### **Aviel :**

**Komz beurbadus ag an Tad : gloar deoc'h-C'hwi, Jezuz-Krist !**

**Komz beurbadus ag an Tad : gloar deoc'h-Chwi, hor buhez !**

*A vara ne vev ket hepken an den,*

*Met a bep komz a zeu a ziweuz Doue.*

*Ar beleg : An Aotrou Doue genoc'h : R/ : **Ha get ho spered.***

*Ar beleg : Lennadenn ag an Aviel santel hervez St Maheù.*

**R/ : Gloar deoc'h-Chwi, ô Aotrou Krist !**

*En amzer-hont, ar Spered Santel a gasas Jezuz d'an dezerzh da vout temptet get an diaoul. Ha goude bout yunet daou-ugent deiz ha daou-ugent noz, e tas naon dezhoñ. Neuze, an temptour a dosta hag a lâr dezhoñ : «Mard oc'h Mab Doue, lârit d'ar vein-mañ troiñ da vara». Jezuz a respont : « Skrivet eo : Nend eo ket get bara hepken e vev mab-den, met get kement komz a za a veg an Aotrou Doue». Neuze an diaoul er c'has getoñ d'ar gêr santel hag el laka àr lein an Templ, ha neuze eñ a lâr dezhoñ : «Mard oc'h Mab Doue, en em daolit d'an dias ; rak skrivet eo : gourc'hemennet en deus Doue d'e Aeled ober àr ho tro, hag int ho tougo etre o daouarn, get aon ne zehec'h da stokiñ ho treid doc'h ur maen bennak». Jezuz a lâras dezhoñ : «Skrivet eo ivez : Ne dempti ket a Vestr hag a Zoue ». An diaoul er c'has c'hoazh getoñ àr ur menez uhel bras, hag, en ur ziskoiñ dezhoñ holl ar rouantelezh ag an douar get holl*

*o gloar, eñ a lâr dezhoñ : « Me 'roay deoc'h razh an traoù-se, mar daoulinit d'am azeuliñ ». Neuze Jezuz a lâr dezhoñ : « Pella, Satan ; rak skrivet eo : Te 'azeulo an Aotrou Doue, ha ne serviji nemetoñ e-unan ». Neuze an diaoul el laoskas : ha setu ma tas an Aeled tro-ha-tro dezhoñ d'er servijiñ.*

*En dibenn : ar beleg : Setu Komz an Aotrou :*

**R/ : Meuleudi deoc'h, ô Aotrou Krist !**

**Kredo** : Me 'gred e Doue, an Tad hollgelloudek, Kroueour an neañv hag an douar, hag e Jezuz-Krist, e Vab unganet, hon Aotrou, a zo bet koñsevet dre nerzh ar Spered Santel, ganet ag ar Werc'hez Vari, en deus gouzañvet dindan Poñs Pilat, a zo bet staget doc'h ar groaz, marvet ha bet lakaet er bez, diskennet d'an ifernioù, deuet a varv da vev an drivet deiz, pignet d'an neañv, hag azezet en tu dehoù an Tad, a-eno e teuy da varn ar re vev hag ar re varv. Me 'gred er Spered Santel, en Iliz santel katolik, e kumunded ar Sent, e pardon ar pec'hedoù, e adsav ar re varv, er vuhez beurbadus.

### **Pedenn hollbedel :**

**Aotrou, hon Doue, ô Tad Santel, selaouit hor pedenn !**

**Ofertouar** : Akedit, C'hwi, Arloz pe Klevit, Krouer madelezhus

**Lid ar profoù** : *ar beleg : Pedit, mam breudeur, ma plijo get Doue an Tad holl-gelloudek degemer ma sakrifis a zo ivez ho hani-c'hwi :*

**R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.**

### **Prefas :**

*Ar beleg : An Aotrou Doue genoc'h :*

**R/ : Ha get ho spered !**

*Ar beleg : Hor c'halon d'an uhel :*

**R/ : Emañ troet trema Doue !**

*Ar beleg : Trugarekaomp hon Aotrou Doue :*

**R/ : Just ha santel eo !**

### **Santel :**

**Santel ! Santel ! Santel ! An Aotrou Doue, Mestr an ne hag an douar !**

Lan eo get ho kloar an neñv hag an douar : **Hosanna e lein an ne !**

Ra vo benniget an hani az a e anv an Aotrou Doue : **Hosanna e lein an ne !**

### **Gorreoù :**

**Gloar Deoc'h-C'hwi marv àr ar groaz ! Gloar deoc'h-C'hwi, Jezuz !**

**Adsavet lan a vuhez, hon Salver !**

**Hag hon Doue, C'hwi zey en-dro, Splanner lugernus !**

**Setu-ni àr-sav doc'h ho kortoz !**

### **Hon Tad :**

hag a zo en neañv, hoc'h anv ra vo santelaet,

Ho rouantelezh degaset deomp,

Ho vennantez ra vo graet àr an douar 'vel an neañv.

Roit deomp hiriv hor bara pemdeziek,

Pardonit deomp hor pec'hedoù,

'vel ma pardonomp d'ar re o deus pec'hed doc'homp,

Ha n'hon laosket ket da gouezh en tantasion

Met hon diwallit doc'h an droug.